



西藏圖考卷之七

楚南黃沛翹壽善甫手輯

滇南李培榮華廷甫付梓

河間李文江蓉航
楚南陳兼善元卿

甫同校

西藏藝文考

上

噶爾弼平定西藏疏

奏稿搜輯無多暫附藝文
俟續集當別其名曰奏書

爲定取詔地事從前將拉里地方攻取奏聞

臣等領兵

暫且在拉里地方喂養馬匹住扎與平逆將軍約會再行

進取詔地在案我們差往打聽信息之人回來稟稱竹工

之胡土克圖迎來歸順今推木品宰桑帶領準噶爾之兵

西
六百名蠻兵二千名在於噶兒招母倫之渡口堅守墨竹工未章名兒自榮所前來與我們之兵對敵聞聽竹工苦圖克免暫行歸順臣卽與衆人商議我們若住扎仍等約會日期倘或推木品前來將噶兒招母倫之渡口墨竹工卡監守將歸順我們之人俱驚怕更變則坐守事務必致有悞我們卽行起身俟推木品未能措及之先不若將墨竹工卡噶兒招母倫之渡口攻取再等候西甯之兵一同前進如此議定卽將滿漢兵內挑選三十名扮爲唐古特之人先行差往打探信息此際工布之碟巴等親身前來稟稱我等遵奉將軍之令帶領工布兵二千名在於工布

加木打地方下營情願一同効力等語臣等逐一賞明令
千總趙儒碟巴集古爾將銀緞等物拿去前往工布加木
打地方將工布之兵逐一賞賜八月十六日在於墨竹工
卡地方約會已復差去臣等帶領滿漢官兵於八月初六

日自拉里起身到工卡爾拉地方竹工之胡土克圖將伊
地方人口數目冊籍呈送迎來歸順已到竹工地方據我
們從前差去之滿漢兵稟稱墨竹工卡兒地方有唐古特
之兵榮梭蒙古兵共有千餘名俱行安營竝無推木品之
兵信息次日起身至墨竹工卡地方據前行之先鋒稟稱
前邊扎營之賊聞我們之兵到來俱行撤散現今彼處無

臣

兵等語因此等卽行前去將墨竹工卡攻取碟巴達哇等俱行賞賜安民據差往噶兒招母倫渡口驗看船隻之通事查錯阿喇木巴等稟稱渡口無有船隻問村庄人等俱回稱船隻俱被碟巴打克渣收去推木品宰桑找獲車零敦多布已回當木地方渡口等處碟巴打克渣會積聚二三千名蠻兵扎營聞知大兵取了墨竹工卡地方兵丁俱已潰散碟巴打克渣情願逃往沙漠地方臣等卽差千總趙儒碟巴集古爾前往碟巴打克渣曉諭爾原受

聖恩之人今

聖主廣施法教救護唐古特之人差兵前來是爲爾等速行歸順

如若仍然兩意不順卽差兵將爾拏來問罪如此差去碟
巴打克渣自沙漠野地方又潛逃回家前往搜尋明白曉
諭如不歸順卽行拏訊因此碟巴打克渣同趙儒集古爾
一同調噶兒招母倫前來歸順接續喇嘛中古兒達旺等
相繼歸順前來看來此處唐古特俱甚是恭敬碟巴凡事
俱遵碟巴打克渣指使行事因此將碟巴打克渣暫行欵
待令其在我們營中駐扎探聽準噶爾賊人信息俱前往
達嗎哈喇烏蘇等處地方接我們西甯一路兵馬前去伊
等所食糧餉俱係碟巴打克渣自詔地攢湊送去詔地準
噶爾之喇嘛甚多此內亦有車零敦多布甚是靠用之人

碟巴不克渣雖經歸順不可信服臣等僉議得詔地地方
乃準噶爾賊人根基我們速行由噶兒招母倫過去攻取
詔地將伊巢穴佔住四面路口堅守斷賊來路準噶爾調
來之唐古特兵丁暗地差人前去令之各散挑選兵馬迎
接西甯一路之兵前來幫助使準噶爾之賊兵首尾不能
相顧合力易於勦滅令碟巴不克渣傳聚皮船於八月二
十三日過河卽分隊令二等侍衛那沁郎中鄂理等帶領
滿漢官兵作第一隊臣與都統五哥帶領滿漢官兵作第
二隊副都統吳那哈總兵官趙坤馬曾伯等帶領滿漢官
兵作第三隊於二十三日五更進兵將詔地攻取詔地所

有大小碟巴等布來朋等奪廟之喇嘛聚集將

聖主廣施法教救護圖伯忒愛蠻衆民之至意宣諭衆碟巴民人

喇嘛俱跪稟蒙

聖主之恩享受安逸自準噶爾人等前來將我們遭害以致殘壞

天朝大兵到來我們眾唐古特愛蠻人等得復見天日紛紛歡
悅舉掌叩首臣等將詔地所有之達賴喇嘛倉庫盡行封

謹住於詔地堅固地方安營於相通四面道路俱派兵堅
守斷絕準噶爾往來之人運糧道路又爲唐古特字樣用
碟巴不克渣印信將車零敦多布處所有唐古特之兵暗
地差人前去令其各散派綠旗官兵前往噶爾旦色喇布

來朋等廟內有喀木布等曉諭準噶爾刺麻準噶爾刺麻等幫護車零敦多布毀壞法教將唐古特人等殘燬爾等卽行舉出與爾等出家之人無涉若隱藏一名俱歸罪於伊等因此三個廟內喀木布眾刺麻將廟內所有一百一名準噶爾刺麻舉出內有爲首者五名刺麻碟巴不克渣各廟堪布等俱稱伊等係車零敦多布甚是靠用之人詢問此五名刺麻卽行斬戮其餘九十六名準噶爾刺麻盡行收禁詔地監內臣等挑選滿漢兵整頓馬匹卽前往迎接平逆將軍延信之兵幫護合力剿滅賊寇外爲此謹奏

大學士福康安等摺

乾隆五十七年

查唐古特兵原設有五千一百六十五名之數其實數應
名毫無紀律今請額定數目於前後藏各設番民一千名
定日江孜安設番兵各五百名卽於就近挑補前藏原設
戴琫三人以二人駐後藏以一人駐定日再添戴琫一人
駐江孜於戴琫五名外設立如琫十二名甲琫二十四名
定琫一百二十名俱由駐藏大臣會同達賴刺麻揀補遇
有缺出層次遞升不准躐等超越番兵每名歲給青稞二
石五斗共計歲需青稞七千五百石遵

旨於沙瑪爾巴莊田及丹津班珠爾之子呈繳莊田又仲巴田地
四塊所收青稞竝於沙瑪爾巴各物變價內酌撥銀兩作

爲開懇地畝之費所用鳥鎗刀矛於查抄沙瑪爾巴案內
撥給所用弓箭卽以抄案內牛廠所收酥油價銀製辦給
發各番兵照票免其本身徭役戴琫六名各給莊田一分
如琫每名歲給銀三十六兩甲琫每名歲給銀二十兩定
琫十四兩八錢以上銀兩均於前藏商上支發令該管將
備按期認真教演駐藏大臣於巡查之便親爲較閱分別
勸懲駐防俱以所管番兵優劣由駐藏大臣分別等第於
三年滿班時咨部優等者咨送將軍總督提督保題仍照
舊例升用次等者祇准咨部議敘毋庸升用劣等者卽行
參革並嚴禁將弁毋許欺凌番兵及私行役占以實營伍

其濟嚙聶拉木札木地方無庸安設番兵防守 又籌議
衛藏章程自後噶布倫缺出於戴琫及商卓特巴仔琫內
揀選戴琫缺出先儘如琫選用如不得其人於邊缺營官
揀選以上均係駐藏大臣會同達賴刺麻擬定正陪請

旨補用其理財之商上主庫之孜琫商卓特巴缺出以管口糧之
業爾倉管刑名之協爾幫噶夏大中譯及濟仲刺麻升補
其業爾倉協爾幫缺出以分管前藏地方之希約第巴郎
仔轄第巴管馬廠之達本升補希約第巴等缺出以大缺
邊缺營官調補及噶廈卓尼爾升補業爾倉巴布約第巴
內有刺麻者亦准以刺麻補用大中譯以小中譯噶廈卓

尼爾升補大缺營官缺出以小缺營官調補及小中譯補放官兵甲琫亦准調補邊缺營官惟小缺營官始准於東科爾及刺麻內揀用所有營官缺分應行詳悉查明大缺邊缺小缺寫立冊檔存案以便遵守其刺麻補放營官者多係達賴刺麻隨侍之人因其勤勞年久不能遠離酌派管地方藉資養贍雖難概行禁絕然亦須由駐藏大臣另派妥當之員前往該刺麻營官不得私行派人噶廈小中譯卓尼爾亦應揀東科爾心地明敏者挑補以上各缺均由駐藏大臣會同達賴刺麻挑選給發清漢字番字應照爲據此外如管門管草管糌粑管帳房管牛羊廄頭人均

應聽達賴刺麻自行揀補至札什管事者皆係刺麻向無等級嗣後商卓特巴缺出以歲琫刺麻森琫刺麻升補歲琫以濟仲升補森琫以傳事卓尼爾升補以上各缺及營官均照前藏之例由駐藏大臣會同班禪補放給照 又奏善後章程 一藏內諸務應統歸駐藏大臣管理也向來駐藏大臣惟資坐鎮不復預聞以致藏務日就廢弛嗣後駐藏大臣除上山瞻禮外其督辦藏內事務應與達賴刺麻班禪額爾德尼平等自噶布以下番目及管事刺麻分係屬員事無大小均應稟命辦理至札什倫布一切公事亦令歲琫堪布一體稟之駐藏大臣辦理庶衛藏事權

歸一積弊可以永除。一藏內大小番目缺出應行定立等級統歸駐藏大臣會同達賴刺麻秉公揀放也。查噶布倫辦理一切事務戴琫管領番兵商上仔琫商卓特巴係總司出納以上各缺尤關緊要不可越次升補卽大缺邊缺營官管理民事亦須秉公拔補以次升轉庶大小番目皆能得人營求賄屬之弊均可不杜自絕。一達賴刺麻班禪族屬一概不准管事以杜弊端也。從前達賴刺麻之叔阿古拉班禪之父巴勒丹敦珠布私行定議說和而達賴刺麻兄弟根敦札克巴等倚藉聲勢妄爲滋事嗣後大小番目及管事刺麻均不得以達賴刺麻班禪族屬挑補。

應俟達賴刺麻班禪轉世後准將前輩親族量才錄用以昭公允一駐藏大臣每年應親身巡查邊界以重地方也查後藏江孜定日新設番兵濟嚨聶拉木等處現已立定界址請於春秋兩季駐藏大臣奏明輪流住後藏操演番兵巡視邊界至駐防官員苦累兵番淮具呈控隨地查辦駐藏大臣所用烏拉俱令自行給價以示體卹一駐藏文員應請添設也查後藏竝無文員今改定一切章程需員稽查添設番兵亦有支放口糧等事而前藏鼓鑄銀錢尤關緊要應請於同知知州知縣內添派監造銀錢後藏亦添設縣丞等官一員支放番兵口糧所有後藏管糧

佐貳應得分例及更換年限竝邊俸報滿保題之處俱照
向例辦理惟前藏添設糧員以到藏日起一年一換以便
按年稽查銀錢成色如果勤慎出力由駐藏大臣保奏倘
敢徇私舞弊卽行參劾辦理一駐藏大臣衙門及文武
各員酌定聽差兵數以實操防也應請嗣後駐藏大臣衙
門應差兵丁每人三十名遊擊一員兵八名都司兵六名
守備兵四名駐藏司員兵四名筆帖式兵二名千把總每
員兵一名前藏糧員看庫兵丁八名其新設之前後藏文
員毋庸給與兵丁統計不過百餘名而止每遇操演日期
仍著一體操演毋許藉口應差致有曠廢